

# Kredo

Migel Anjel Asturias  
Euskaratzailea: Igotz

Siñisten dot Askatasuna, Amerika'ren Ama,  
Itxaso gezak lurrean sortu ebazana,  
eta Bolibar, aren seme, Gure jauna  
Benezuela'n jaioa, espaiñarren agintepean  
gorriak ikusia, gogor artu ta esetsia,  
Txinborazo gaiñean ildakotzat joa,  
Kolonbia'ren otsez barrero biztu izan zana,  
bere eskuakaz Betikoa ikutu  
ta jainkoaren alboan geldi-azorik dagoana.

Ez gu epaitu, Bolibar, azken-egun aurretik,  
erriagaz bat datoza gizonen alkartasunean  
siñisten dogu-ta; erriak bakar-bakarrik  
askatzen ditu gizonak; gerra eriotzaraiño,  
eta parkapenik bage, jauntxo guztieri.

Siñisten dogu giz-urenen biztea  
eta betiko bizitza, Askatzaille,  
Zu langoak ezpaitira ilten  
begiak itxi ta ernai geratu baiño!